

Broj:
Datum,

Na osnovu člana 363. stav 3. Zakona o stvarnim pravima ("Službene novine Federacije BiH", broj: 66/13 i 100/13), člana 4. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine Federacije BiH", broj: 17/14), člana 18. alineja 6. i 19. Statuta Općine Maglaj ("Službene novine Općine Maglaj", broj:8/07; 3/08 i 6/08) i člana 37. Odluke o građevinskom zemljištu općine Maglaj („Službene novine Općine Maglaj“, broj 4/19 i 6/19) Općinsko vijeće Maglaj na sjednici održanoj dana _____ godine, d o n o s i

ODLUKU

o prodaji nekretnine neposrednom pogodbom Lokmić (Enver) Enisi iz Maglaja, radi oblikovanja građevinske parcele

Član 1.

Formira se građevinska parcela označena brojem 16 na grafičkom prikazu Plana parcelacije Djelimične izmjene Regulacionog plana "Stari Grad" Maglaj ("Službene novine Općine Maglaj", broj:9/21), za planirani stambeno poslovni objekat, koju čine sljedeće katastarske parcele:

- k.č.br. 1659 „Stara - čaršija“ dvorište površine 79 m², upisana u posjedovni list broj 1363 k.o. Maglaj, posjednik Lokmić Envera Enisa rođ. Bilić, sa 1/1, po katastru zemljišta, a po podacima zemljišne knjige ista je označena sa k.č.br. 1659 „Stara - čaršija“ dvorište površine 79 m², upisana u zemljišnoknjižni uložak broj 2817 k.o. Maglaj, vlasnik Lokmić (Enver) Enisa rođ. Bilić, sa 1/1, i
- k.č.br. 1655/2 „Stari grad“ dvorište površine 40 m², upisana u posjedovni list broj 287 k.o. Maglaj, posjednik Općina Maglaj, sa 1/1, po katastru zemljišta, a po podacima zemljišne knjige ista je označena sa k.č.br. 1655/2 „Stari grad“ dvorište površine 40 m², upisana u zk. ul. br. 2818 k.o. Maglaj, vlasništvo Općina Maglaj, sa 1/1.

Član 2.

Prodaje se neposrednom pogodbom Lokmić (Enver) Enisi iz Maglaja, radi oblikovanja građevinske parcele, nekretnina – zemljište iz člana 1. alineja 2. ove Odluke, označeno sa:

- k.č.br. 1655/2 „Stari grad“ dvorište površine 40 m², upisana u posjedovni list broj 287 k.o. Maglaj, posjednik Općina Maglaj, sa 1/1, po katastru zemljišta, a po podacima zemljišne knjige ista je označena sa k.č.br. 1655/2 „Stari grad“ dvorište površine 40 m², upisana u zk. ul. br. 2818 k.o. Maglaj, vlasništvo Općina Maglaj, sa 1/1,

po cijeni od _____ KM po 1m², što ukupno iznosi _____ KM,

uz obavezu isplate cjelokupnog iznosa kupoprodajne cijene u roku od 15 dana od dana zaključenja ugovora o kupoprodaji, na žiro-račun Budžeta Općine Maglaj broj: 199-046-00032516-34, vrsta prihoda 722 449, općina 060.

Predaju nekretnine iz stava 1. ovog člana u posjed kupcu izvršit će Služba za urbanizam, geodetske i imovinsko-pravne poslove Općine Maglaj, nakon isplate cjelokupnog iznosa kupoprodajne cijene i plaćenih troškova postupka.

Troškove notarske obrade ugovora o kupoprodaji, takse za uknjižbu i sve ostale troškove koji se odnose na kupoprodaju nekretnine iz stava 1. ovog člana, snosi kupac.

Član 3.

Ovlašćuje se načelnik Općine Maglaj Mirsad Mahmutagić, da u ime Općine Maglaj, kao prodavcem, na osnovu ove Odluke, sa Lokmić (Enver) Enisom iz Maglaja, kao kupcem, zaključi ugovor o kupoprodaji nekretnine iz člana 2. ove Odluke, a prema uvjetima iz člana 2. ove Odluke.

Član 4.

Obavezuje se Lokmić (Enver) Enisa iz Maglaja, da u roku od 8 /osam/ dana od dana prijema ove Odluke, uplati troškove postupka – naknadu za vršenje usluga u iznosu od **260,00 KM**, na žiro-račun Budžeta Općine Maglaj broj 199-046-00032516-34, naknada za vršenje usluga, vrsta prihoda 722 516, općina 060, a dokaz o izvršenoj uplati dužna je dostaviti Službi za urbanizam, geodetske i imovinsko-pravne poslove Općine Maglaj.

Član 5.

Za sprovođenje ove Odluke zadužuju se načelnik Općine, Služba općinskog načelnika i Općinskog vijeća i Služba za urbanizam, geodetske i imovinsko-pravne poslove Općine Maglaj.

Član 6.

Ova Odluka stupa na snagu narednog dana od dana objavljivanja u "Službenim novinama Općine Maglaj".

Predsjedavajuća Općinskog vijeća
Svjetlana Zamboni-Radovanović

O b r a z l o ž e n j e
uz Prijedlog Odluke o prodaji nekretnine neposrednom pogodbom Lokmić (Enver)
Enisi iz Maglaja, radi oblikovanja građevinske parcele

Lokmić r. Bilić Enisa kći Envera iz Maglaja, Ul. Ibrišima Obralića bb, podnijela je dana 24.09.2020. godine načelniku Općine Maglaj i Općinskom vijeću Maglaj, zahtjev za dodjelu dijela neizgrađenog gradskog građevinskog zemljišta k.č. br. 1655 m2 k.o. Maglaj površine 123 m2, u svrhu izgradnje stambeno-poslovnog objekta i implementacije dijela Regulacionog plana „Stari Grad Maglaj“. Predmetni zahtjev je aktom Općinskog vijeća Maglaj, broj: 02-04-1-265-1/20 od 12.10.2020. godine, dostavljen Službi za urbanizam, geodetske i imovinsko pravne poslove na postupanje.

Podnositeljica zahtjeva prvobitno je u podnesenom zahtjevu kao vlasnica parcele označene sa k.č. br 1659 k.o. Maglaj, tražila dodjelu ili prodaju dijela zemljišta označenog sa k.č. br. 1655 k.o. Maglaj vlasništvo Općine Maglaj, u površini od 123 m2, za potrebe izgradnje stambeno-poslovnog objekta i implementacije dijela Regulacionog plana „Stari Grad Maglaj“.

U postupku po predmetnom zahtjevu, održane su usmene rasprave u dane 17.11.2020. godine i 10.12.2021. godine.

Na usmenoj raspravi održanoj dana 17.11.2020. godine stručno lice za urbanizam Jasminka Hajrulahović, dipl. ing. arh. izjavila je da po predmetnom zahtjevu nije mogla dostaviti izjašnjenje obzirom da je nakon obavljenih konsultacija dobila određene informacije, te da joj je dostavljen Idejni projekat uređenja Trga Alije Izetbegović, u okviru kojeg obuhvata se nalazi prostor odnosno zemljište u vlasništvu Lokmić Enise. Izvršenim uvidom u Regulacioni plan “Stari Grad” i predloženo rješenje po Regulacionom planu, da je utvrdila da su Idejnim projektom predložene korekcije u odnosu na predloženo rješenje po Regulacionom planu a koje se odnose na izmjenu namjene i razmještaja objekata, parcelacije kao i predloženog saobraćajnog rješenja. Obzirom da se predloženim korekcijama utiče na opredjeljenu građevinsku parcelu u koju ulazi i zemljište podnosioca zahtjeva Lokmić Enise, te je u okviru navedenog zemljišta kao i zemljišta koje graniči sa vlasničkim zemljištem Lokmić Enise određena drugačija lokacijska pozicija planiranog objekta, predložila je da se sačeka određeni vremenski period dok se konačno ne utvrdi planirano rješenje na ovom dijelu prostora a time i uvrsti u prijedlog i zemljište podnosioca zahtjeva kako bi se mogao nastaviti dalji postupak.

Podnositeljica zahtjeva Lokmić Enisa na navedenoj usmenoj raspravi je na zapisnik izjavila da na toj usmenoj raspravi upoznata je sa izjavom stručnog lica za urbanizam i sa činjenicom da njenom zahtjevu ne može u potpunosti biti udovoljeno, pa da prihvata da se u što skorije vrijeme iznađe rješenje kojim bi joj se omogućilo formiranje građevinske parcele za poslovno stambeni objekat i na dijelu zemljišta u vlasništvu Općine Maglaj, moleći da se predložena mogućnost što prije razmotri i da se kod opredjeljenja iste iznađe mogućnost maksimalno moguće površine zemljišta u vlasništvu Općine Maglaj koje može činiti građevinsku parcelu uz zemljište u njenom vlasništvu i koje joj se može prodati neposrednom pogodbom radi oblikovanja građevinske parcele, napominjući da je kao investitor spremna što prije početi gradnju poslovno stambenog objekta i da je ovoj postupak jedina prepreka u izdavanju potrebne dokumentacije za izgradnju objekta.

Općinski pravobranilac, Nermina Botonjić, dipl. pravnik, je na navedenoj usmenoj raspravi izjavila da se ne protive da se od strane stručnih lica i lica koje opredijeli općinski

načelnik izvidi optimalna mogućnost za formiranje građevinske parcele prema preformulisanim zahtjevima podnosioca.

Na usmenoj raspravi održanoj na licu mjesta dana 10.12.2021. godine, stručno lice za urbanizam je spis priložila svoje Izjašnjenje broj: 05-27-5-3309/20 od 09.12.2021. godine, te na zapisnik iznijela navode iz Izjašnjenja. U navedenom Izjašnjenju je iznoseći svoju izjavu datu na usmenoj raspravi od 17.11.2020. godine, navela da u periodu od 17.11.2020. godine nisu se desile određene promjene vezane za urađeni Idejni prijedlog niti su pokrenuti postupci vezani izmjenom planskog dokumenta „Stari grad“ u okviru kojeg postupak bi se rješavao i predmetni zahtjev Lokmić Enise. Dalje je u Izjašnjenju navela da nakon toga se samoinicijativno kao zainteresirani investitor Lokmić Enisa obratila Službi za urbanizam geodetske i imovinsko pravne poslove i Načelniku općine Maglaj sa zahtjevom za izmjenom Regulacionog plana „Stari grad“ Maglaj tražeći da se pokrene postupak izmjene ovog planskog dokumenta te da se na zemljištu k.č. broj 1659 površine 76 m² i dijelu zemljišta k.č. broj 1655 koje je u vlasništvu Općine Maglaj predvidi izgradnja poslovno stambenog objekta.

Služba za urbanizam geodetske i imovinsko pravne poslove provela je postupak djelimične izmjene Regulacionog plana „STARI GRAD“, koja je usvojena od strane Općinskog vijeća Maglaj dana 28.10.2021. godine (Odluka o usvajanju djelimične izmjene Regulacionog plana „STARI GRAD“ broj: 02-04-1-1846/21, objavljena u „Službenim novinama Općine Maglaj“, broj: 9/21).

Djelimičnom izmjenom se u okviru zemljišta k.č. broj 1659 posjednik Lokmić Enisa i dijelu zemljišta k.č. broj 1655 posjednik Općina Maglaj opredjeljuje izgradnja stambeno poslovnog objekta okvirnih dimenzija 7,0 x 9,0 metara. Ostali dio zemljišta do granice zemljišta k.č. broj 1656 bi se koristio kao prilazni put sa Trga Alije Izetbegovića u unutrašnji dio prostora. Za planirani objekat određena je nova građevinska parcela na Planu parcelacije označena brojem 16. Konstatovala je, na osnovu navedenog u odnosu na Plansku dokumentaciju postoje uslovi da se formira građevinska parcela broj 16 prema grafičkom prikazu Plan parcelacije djelimične izmjene Regulacionog plana „STARI GRAD“ za planirani stambeno – poslovni objekat Lokmić Enise.

U prilogu naprijed navedene izjave stručnog lica za urbanizam, dostavljen je Izvod iz djelimične izmjene Regulacionog plana „STARI GRAD“ Grafički prikaz Namjena i razmještaj objekata i Grafički prikaz Plan parcelacije.

Na navedenoj usmenoj raspravi stručno lice za geodetske poslove Faris Habibović, dipl. ing. geod. je na licu mjesta izvršio obilježavanje i geodetsko snimanje građevinske parcele broj 16 prema Djelimičnoj izmjeni Regulacionog plana „STARI GRAD“ („Službene novine Općine Maglaj“, broj: 9/21”).

Podnositeljica zahtjeva Lokmić Enisa je na navedenoj usmenoj raspravi izjavila da je saglasna da se formira građevinska parcela u skladu sa Planom parcelacije djelimične izmjene Regulacionog plana „Stari Grad“ označena brojem 16 za planirani stambeno poslovni objekat, te u skladu sa naprijed navedenim izjašnjenjem stručnog lica za urbanizam, i kako je to na licu mjesta obilježeno od strane stručnog lica za geodetske poslove, izjavivši da je saglasna za općinsko zemljište koje ulazi u građevinsku parcelu označenu brojem 16 na Planu parcelacije Djelimične izmjene Regulacionog plana „Stari Grad“, platiti naknadu po tržišnoj cijeni zemljišta na ovoj lokaciji.

Po obradi podataka geodetskog snimanja stručno lice za geodetske poslove Faris Habibović, dipl. ing. geod. dostavio je izjavu na Zapisnik broj: 05-27-5-3309/20 od 14.12.2021. godine u kojoj je pozivajući se na navode iz Izjašnjenja stručnog lica za urbanizam od

09.12.2021. godine, naveo da je na licu mjesta izvršeno obilježavanje i geodetsko snimanje građevinske parcele broj 16 prema grafičkom prikazu Plana parcelacije djelimične izmjene Regulacionog plana „Stari Grad Maglaj“. Snimanje je vršeno instrumentom GNSS (Global navigation satellite system) marke Leica Viva type CS10. Nakon obrade podataka geodetskog snimanja, konstatovao je da predmetnu građevinsku parcelu obuhvata zemljište označeno sa:

- k.č.br. 1659 „Stara - čaršija“ dvorište površine 79 m², koja je po podacima katastra zemljišta upisana u posjedovni list broj 1363 k.o. Maglaj, posjednik Lokmić Envera Enisa rođ. Bilić sa 1/1, a po podacima Zemljišne knjige upisana u zemljišnoknjižni uložak broj 2817 k.o. Maglaj, vlasnik Lokmić (Enver) Enisa rođj. Bilić sa 1/1, i
- k.č.br. 1655/2 „Stari grad“ dvorište površine 40 m², koja je po podacima katastra zemljišta upisana u posjedovni list broj 287 k.o. Maglaj, posjednik Općina Maglaj sa 1/1, a po podacima Zemljišne knjige upisana u zemljišnoknjižni uložak broj 2818 k.o. Maglaj, vlasnik Općina Maglaj sa 1/1, ukupne površine od 119 m².

Sastavni dio naprijed navedene izjave stručnog lica za geodetske poslove je skica lica mjesta.

Općinsko pravobranilaštvo Maglaj, zastupano po Općinskom pravobraniocu Nermini Botonjić, dipl. pravnik, koja se na usmenoj raspravi od 10.12.2021. godine obavezala konačnu izjavu dostaviti nakon što se geodeta izjasni u potpunosti, je nakon što su im dostavljeni naprijed navedeni nalazi stručnih lica za urbanizam i geodeziju sa ostalom dokumentacijom iz predmetnog spisa, dostavilo Izjašnjenje broj: U.28/20 od 15.12.2021. godine. U Izjašnjenju se navodi da im je dostavljen Zapisnik o izjavi stručnog lica za geodetske poslove od 14.12.2021.god. sa skicom lica mjesta, sa tačno navedenim katastarskim parcelama od kojih je k.č.br.1655/2 zv. „Stari grad“ površine 40 m² posjed Općina Maglaj sa 1/1. Nalaz od strane stručnog lica geodete je na temelju mjerenja sa lica mjesta i u koordinaciji sa stavom i Izjašnjenjem urbaniste br.05-27-5-3309/20 od 09.12.2021.godine kao i izjavom na usmenoj raspravi. Nalaz od strane stručnog lica za urbanizam, naznačeni broj, sadrži jasan stav da u odnosu na Plansku dokumentaciju postoje uslovi da se formira građevinska parcela br.16, prema grafičkom prikazu Plana parcelacije djelimične izmjene Regulacionog plana „STARI GRAD“ za planirani stambeno-poslovni objekat Lokmić Enise. Dalje se navodi da Općinsko pravobranilaštvo posebno cijeni da su radnje i izjašnjenja stručnih lica-vještaka u skladu sa strukom i naukom, pa se ne protive formiranju i oblikovanju građevinske parcele kako je to na terenu obilježeno, sa podacima iz izjava stručnih lica svakako uz obavezu izmirenja naknade za zemljište posjed općine Maglaj, napominjući da se kod određenja naknade istu treba formirati po odredbama člana 62. Zakona o građevinskom zemljištu, a u vezi sa članom 53. Zakona o eksproprijaciji tj. cijena 1m². Kako se može ustvrditi da su se stekli uslovi iz Zakona o građevinskom zemljištu, da se podnosiocu zahtjeva po zahtjevu može formirati - oblikovati građevinska parcela za stambeno - poslovni objekat, Općinsko pravobranilaštvo je predložilo da se sačini prijedlog odluke u skladu sa pozitivnim propisima utvrđivanja traženog prava i obračuna naknade.

Procjena prometne vrijednosti nekretnine koja je predmetom prodaje izvršena je od strane Komisije za procjenu prometne vrijednosti nekretnina imenovane od strane Općinskog vijeća Maglaj, datoj u Zapisniku od 16.12.2021. godine, koja je utvrdila za predmetno zemljište da tržišna cijena 1 m² zemljišta iznosi 80,00 KM, te procijenila prometnu vrijednost nekretnine kako slijedi:

- k.č.br. 1655/2 k.o. Maglaj, dvorište površine 40,00 m² x 80,00 KM/m² =3.200,00 KM. (slovima: trihiljadedvjestotine KM 00/100)

Članom 363. stav 3. Zakona o stvarnim pravima ("Službene novine Federacije BiH", broj: 66/13 i 100/13) propisani su izuzeci za prodaju nekretnina u vlasništvu Federacije, kantona i jedinica lokalne samouprave, neposrednom pogodbom, među kojima u tački 5. radi oblikovanja građevinske čestice, a što je propisano i članom 37. stav 2. alineja 5. Odluke o građevinskom zemljištu općine Maglaj („Službene novine Općine Maglaj“, broj 4/19 i 6/19).

Članom 4. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine Federacije BiH", broj: 17/14), propisano je da Odluku o načinu i uvjetima raspolaganja nekretnina neposrednom pogodbom u skladu sa članom 363. st. 3 i 4. Zakona o stvarnim pravima za nekretnine u vlasništvu gradova i općina, donosi gradsko odnosno općinsko vijeće na prijedlog načelnika općine odnosno gradonačelnika grada.

Članom 13. stav 2. Zakona o pravobranilaštvu („Službene novine Ze-do kantona“ broj: 12/13) propisana je dužnost organa i pravnih lica iz člana 3. ovog Zakona, na pribavljanje mišljenja pravobranioaca na ugovore i odluke o sticanju i otuđenju nekretnina u vlasništvu Kantona ili općina, prije njihovog zaključenja, na ugovore o kupoprodaji i dr. , a shodno odredbi stava 5. istog člana pribavljanje pravnog mišljenja pravobranilaštva nije obavezno kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 5.000,00 KM.

Troškovi postupka su obračunati u skladu sa tačkama 2.1.1; 2.8.1 i 4.2.1. Tarife naknada za vršenje usluga iz oblasti premjera i katastra koja je sastavni dio Odluke o naknadama za vršenje usluga iz oblasti premjera i katastra („Službene novine Federacije BiH“, broj: 49/15).

Na osnovu izloženog, sačinjen je prijedlog Odluke o prodaji nekretnine neposrednom pogodbom Lokmić (Enver) Enisi iz Maglaja, radi oblikovanja građevinske parcele, te načelnik Općine predlaže Općinskom vijeću da usvoji Odluku kao u prijedlogu i odredi prodajnu cijenu nekretnine – zemljišta koje je predmetom prodaje.

Dostavljeno:

1. Naslovu
2. Načelnik Općine
3. U spis IPS- a broj: 05-27-5-3309/20


Obrađivač:


Sadina Bašić, stručni savjetnik za imovinsko-pravne poslove

Kontrolor:

Nedžad Čatić, po ovlaštenju načelnika Općine

NAČELNIK OPĆINE
Mirsad Mahmutagić





Skica lica mjesta u predmetu
 IPS-a br. 05-27-5-3309/20
 Zahtjev za dodjelu dijela
 neizgrađenog gradskog
 građevinskog zemljišta

LEGENDA:

- građevinska parcela broj 16;
- dio građevinske parcele u posjedu i vlasništvu Općine Maglaj;
- dio građevinske parcele u posjedu i vlasništvu podnosioca zahtjeva.

Lokacija: Stari Grad Maglaj
 Na zahtjev: Lokmić Enisa
 Snimljeno dana: 10.12.2021. god
 Razmjera: 1:500

Uradio Faris Habibović, dipl. inž. geodezije
 U Maglaju, 14.12.2021. godine

ZAPISNIK

o utvrđivanju prometne i građevinske vrijednosti
nepokretnosti i prava

Sastavljen dana 16.12.2021.godine, u upravnoj stvari procjene građevinskog objekta, stana i /ili zemljišta.

ČLANOVI KOMISIJE:

- Enisa Hatičić
- Dženana Hadžiedhemović
- Tarik Gračić

Procjena je vršena na osnovu zahtjev Službe za urbanizam, geodetske i imovinsko-pravne poslove općine Maglaj broj:05-27-5-3309/20 od 16.12.2021.godine, a u smislu čl.10. Zakona o porezu na promet nekretnina («Sl.Novine ZE-DO Kantona» broj 06/09), i Rješenja Općinskog vijeća o imenovanju stručne Komisije za procjenu prometne vrijednosti nekretnine (Službene Novine općine Maglaj» broj 7/14).

Kod Službe za urbanizam, geodetske i imovinsko-pravne poslove općine Maglaj vodi se postupak po zahtjevu Lokmić (Enver) Enise iz Maglaja, za kupovinu zemljišta-formiranje građevinske parcele, broj:05-27-5-3309/20.

U postupku izrade Prijedloga Odluke o prodaji nekretnine neposrednom pogodbom Lokmić Enisi iz Maglaja, a radi oblikovanja građevinske parcele Služba je tražila procjenu nekretnine-zemljišta koje je u vlasništvu općine Maglaj, a koje po prijedlogu ulazi u sastav građevinske parcele označene brojem 16 prema grafičkom prikazu Plana parcelacije Djelimične izmjene Regulacionig plana „Stari Grad“ za planirani stanbeno-poslovni objekat, i predmet je prodaje neposrednom pogodbom istoj osobi radi oblikovanja građevinske parcele označene sa :

-k.č.broj: 1655/2 „Stari Grad“, dvorište površine 60 m2, upisano u posjedovni list broj 287 k.o. Maglaj, posjednik Općina Maglaj 1/1; upisano u ZK uložak broj:2818 k.o. Maglaj, vlasništvo općina Maglaj1/1.

Predmet procjene je zemljište :

-k.č.broj:1655/2 k.o.Maglaj, zvana „Stari Grad“,dvorište ukupne površine 40 m2

Komisija je konstatovala slijedeće: Da je Zahtjev broj: 05-27-5-3309/20 od 16.12.2021.godine dostavljen Komisiji dana 16.12.2021. godine.

Komisija nakon izlaska na teren konstatuje da se predmetno zemljište nalazi u Starom Gradu, na Čaršiji sa desne strane gradske ulice Most-Bijela Ploča, na mjestu prijeratne samoposluge. Zemljište se nalazi u II gradskoj zoni.To je zemljište koje veže na već postojeće vlasništvo Lokmić Enise, i na taj način bi se oblikovala građevinska parcela.

Tržišna cijena 1m2 zemljišta iznosi 80 KM/m2.

Procjena vrijednost predmetnih nekretnina:

- k.č.broj:1655/2 k.o.Maglaj,dvorište površine 40,00 m2 x 80,0 KM/m2= 3.200,00 KM
(Slovima: trihiljadedvijestotine KM 00/100)

Procjena je izvršena u 15,00 sati:

STRANKA:

ČLANOVI KOMISIJE:

1. _____
2. _____
3. _____